

**JU ZAVOD ZA HITNU  
MEDICINSKU POMOĆ  
KANTONA SARAJEVO**  
Direktor Zavoda  
Broj: 52892  
Datum: 18.09.2018. godine

Na osnovu člana 100. stav 3. Zakona o javnim nabavkama („Službene novine BiH“, broj 39/14), direktor Zavoda je donio

## **RJEŠENJE**

### **Član 1.**

**Prihvata se žalba žalioca HIFA PETROL d.o.o. Sarajevo broj: JN-4286/18 od 13.09.2018. godine, zaprimljena dana 14.09.2018. godine i poništava se Odluka o izboru najpovoljnijeg ponuđača za javnu nabavku goriva Dizel EN-590 broj: 32376-3/18 od 31.08.2018. godine.**

### **Član 2.**

Ugovorni organ će donijeti novu Odluku o izboru najpovoljnijeg ponuđača za javnu nabavku goriva Dizel EN-590.

### **Član 3.**

Ovo rješenje stupa na snagu danom donošenja i dostavlja se svim ponuđačima koji su učestvovali u postupku javne nabavke.

## **Obrazloženje**

Ugovorni organ JU Zavod za hitnu medicinsku pomoć KS je dana 31.08.2018. godine donio odluku broj 32376-3/18, kojom je za najpovoljnijeg ponuđača za javnu nabavku goriva Dizel EN-590 izabran ponuđač Holdina d.o.o. Sarajevo.

Dana 14.09.2018. godine ponuđač HIFA PETROL d.o.o. je dostavio žalbu na odluku ugovornog organa. Žalilac u svojoj žalbi navodi da je ponuđač Holdina d.o.o. na strani 93. svoje ponude izvršio ispravku bez navođenja datuma ispravke i potpisa ponuđača što nije u skladu sa članom 18. stav 1. tačka m) Uputstva za pripremu modela tenderske dokumentacije i ponuda. Žalilac dalje navodi da ponuđač Holdina d.o.o. u Obrascu za dostavljanje ponude – Aneks 1, Obrascu za cijenu ponude i Ugovoru o nabavci goriva, ukupnu cijenu sa popustom bez PDV-a nije upisao slovima kako je propisano članom 14. stav. 2. Uputstva za pripremu modela tenderske dokumentacije i ponuda. U ponudi ponuđača Holdina d.o.o. u izjavama 45. i 52. ZJN.a, kao svojstvo predstavnika privrednog društva se navodi termin Expert koordinator za javne nabavke,

što po navodima podnosioca žalbe nije riječ/termin jednog službenog jezika u BiH, a tačkom 14. tenderske dokumentacije je propisano da se ponuda zajedno sa pripadajućom dokumentacijom priprema na jednom od službenih jezika u BiH.

Nakon zaprimanja predmetne žalbe ugovorni organ je utvrdio da je ista blagovremena, dopuštena i izjavljena od strane ovlaštenog lica. Uvidom u žalbene navode ugovorni organ je zaključio da su isti osnovani, te je donio rješenje kojim se poništava Odluka o izboru najpovoljnijeg ponuđača za javnu nabavku Ulja maziva za vozila zavoda, i propisuje donošenje nove odluke o izboru najpovoljnijeg ponuđača.

Ugovorni organ je nespornim utvrdio da postoje propusti u ponudi ponuđača Holdina d.o.o. na koje je ukazao podnosilac predmetne žalbe, te je odlučeno kao u članu 1. i 2. ovog rješenja.

***Pouka o pravnom lijeku:*** Protiv ovog rješenja može se izjaviti žalba URŽ-u, putem ugovornog organa, najkasnije u roku od 5 (pet) dana od dana prijema rješenja.



**DIREKTOR ZAVODA**  
**Mr.sc.dr. Adem Zalihić**

***Dostaviti:***

- *Svim ponuđačima*
- *Arhiva*